

由
拳
集

由拳集卷之七目錄

七言古詩

莫廷韓諸君夜集

送莫廷韓北上

白門行送徐長孺

贈王元美廷尉

贈王百穀

馮先生行

金塘歌

青浦吟贈彭欽之

放歌行贈徐孟孺

送吳升嘉壯上

康生歌

唐人歌

吁嘆行為開之賦

存石草堂歌

西湖曲為三先生賦

由拳集卷之七

東海屠隆長卿 著

七言古詩

莫廷韓諸君夜集

客子腰縣金僕姑入門下馬天模糊許身俱作高
陽徒文章一一凌三都便挽青絲開玉壺與君擎
筑夜呼盧手藝都梁博山爐三更月上花曜能簾
前鐙燭光有無醉來不問城上烏且向尊中挾大
湖丈夫意氣太行麤君看萬古為女駟來日苦短

青春易徂天風吹人滄海枯繁華過眼煙中蕪黃
金鵲印亦區區一倂眉覩面何為乎

送莫廷韓北上

我從淮泗走雲間乘春立馬橫雲山颯颯長松壓
銀海感時懷古雕朱顏雲間莫生二陸儔文章意
氣橫高秋結交英雄半天下中原時作盧遨遊三
山五岳須眉大白日黃河衣帶流我與一見稱心
賞年來喜挾五湖長便携竹杖拄青天憑高一嘯
衆山響共櫂樓船浩蕩行中流擊鼓彈哀箏酒酣

拔劍夜起舞忽思駙馬驅燕京自言扼掌取鄉相
不佐江東老步兵送君壯行飲君酒二月回風吹
浦口踈樹青迴扇底尊空波綠上城邊梔丈夫不
出出軒然龍泉鵲印皆吾有富貴於君今已遲此
行定不復低眉日落抽刀行大澤春寒飲馬下空
陂君去壚頭尋舊伴請看市上半新知感來莫向
燕山望邊月蕭蕭颺大旗燕人荆高太無賴鄒衍
談天頗雄快惟有燕王臺上塵可以一下英雄拜
英雄堂堂七尺身好與知己增嶙峋咲跛一聞公

子謙脫粟不飽丞相嗔王侯將相不好士芳名何
以垂千春激昂青雲表相許莫生故自賢豪人莫
生莫生行不惡腰下吳鉤光應落黃金綬韉長安
街萬甌宮花恥次開 君王下詔御平臺

白門行送徐長孺

木蘭為櫂桂為舫金盤玉壺大路邊客子唱歌佯
白日主人按節停朱絃城頭鷄啼明星動浦口送
君君發船春風無恙白門柳胡姬酒熟花滿天帆
影直侵雙闕鼙馬啼不散六朝煙六朝舊事今休

問斜陽暮雨銷金鈿君看一片秦淮水送盡英雄
月又圓

贈王元美廷尉

濠梁小吏名位輕束髮論交號有情矯矯中原起
五子白眉獨數王先生王先生意亦得神思何散
朗雅志慕玄奘搖筆走河連蕩曾吞震澤古今文
章誰敵多子建八斗君一石中丞烏府非不貴大
夫鵲印亦已達曷倩星精黯未銷司空寶劍出相
逼天下賢豪歸齒牙海內饑寒望顏色人生苟如

此安用悲泥塗身既登九列便須長五湖青天之
雲手可攬滄海之月醉可呼三百枯砮聞風雨十
千美酒澆菰蒲子房范蠡亦人爾卷舒真與元化
俱東方輒生太眇小思君逢君苦不早一見如生
平斥語俱絕倒當肯元礼是通家異代鍾期本同
調騁子談天事已空王郎斫地歌自雄家本吳門
妙山水採蓮白苧人人工草花直接專諸墓臺榭
高壑吳王宮紅泉細細通海眼青石片片割鴻蒙
手揮如意坐亭子耳邊颯爽來天風只今才士克

八極猛氣神馳一何塞人人自謂得驪珠隱隱空
潭夜深黑世間萬事那有真呼作神龍多蜥蜴竹
書以來未可陳青箱班管俱灰塵後世知音定誰
是要觀君自千秋人千秋萬歲白日速富貴豪華
如轉燭請看姑蘇臺已荒訶管不存江水綠么麼
螺贏他自賢今我不樂亦何欲愛君正得與君驩
百遍相過意未闌空懷磊落胸中氣無奈歲華頭
上冠相思夜讀弇州部星斗累累赤花古孤桐寫
匣萬波流雙龍倚天五色吐懸知藻思故如虹遙

見金銀結為虎便欲乘舟凌大江提刀攬袂一登
牀分來珠玉堪盈把携得煙霞定滿囊

贈王百穀

東南秀色開五湖吳越霸氣今未除諸家競採藍
田玉何者不握靈蛇珠眼中之人只如此風流吾
愛王夫子他人蜥蜴君真龍上下天門電光紫掌
上長披日觀雲匣中暗瀉銀河水姑蘇之臺俯丹
梯長洲百花臨大隄秋冷吳王試劍石春明越女
浣紗溪夫差墓深劍花吐墓上金銀化為虎踞石

高歌廢萬人與君一醉辭千古余也不合亭微冬
低頭屈膝拜公卿河陽名花空復種勾漏丹砂苦
不成賢聲雖乏漢廷尉頗能結襪王先生王先生
人稱卽有道可知遠志與小艸謂汝為龍伏汝爪
綠葵紫萼饒山中磨磨不驕異騷裏好舒白眼昵
乾坤孟庄黃河日夜奔我已出山應自笑君今飲
酒與誰論嚴陵八田得君房語安用龐公在鹿門

馮先生行

先生少年好治遊酒邊挾瑟彈箏篴春日空隄

驕馬城隅淥水木蘭舟半百年來銷意氣黑髮從
人謝小吏十洲三島列意中瑤草琪花喚鰲背知
卿家住兜央湖湖風日日吹雕胡手拾冰朶及雪
藕自招王母與麻姑王母麻姑降卿宅二八青童
奏龍笛更有僊郎下赤墀天上宮袍裁五色月滿
金屏天氣涼疎簾銀漢上征昂上客紛紛到珠履
佳人一一陳明璫水拍霓裳落香霧曲向木犀風
裏度燈紅蕊蕊結明霞酒淥葡萄釀甘露朱門甲
第近天家愿教且種東陵瓜青山次第成丹砂看

君不是成丹砂君顏安得如堯花

金塘歌

金塘之山海上來日光倒射金銀臺洪濤春天不
可極奔雷日夜相喧飀千峰萬峰結雲霧石橋舊
日秦皇路海神鞭石定何年海氣茫茫尚莽互徐
市樓船去不還三千童女住僊山人間靈藥何曾
有洞裏琪花只自閒中有高人坐超忽手觸龍宮
觀滴淖逸氣遙凌席豹闢雄心直壓龜鼉窟尋真
高覽赤城霞曾見安期棗似瓜瓊禽不斷千年對

天漢常隨八月槎遠視黃河若衣帶赤縣神州復
何在松盤大壑拂蒼乳雨洗高天出青黛青黛蒼
乳自一區東皇端拱白雲居澤國烹唐邠可問綠
字金書今有無金塘生嗟爾不得志甘為汗漫萬
里行齊州湫隘不足寄滄溟浩蕩從此征君不見
老子西出關仲尼欲浮海立志何凌兢傷時多忼
慨君去今居第幾峰海峰一片金芙蓉君今去去
樂何以嗟予只尺安能從好坐山中鍊大藥搔首
青天弄寥廓他日歸來城市空霜高華表丁令鶴

待予事了謝人間訪余逍遙海上山

青浦吟贈彭欽之

一官落拓移青浦
磬折呻吟傍人苦
古來堂上月
鳴琴今也道旁但負弩
風沙滿頭不足憐
自愛吳會佳山川
山川秀異生才子
二陸而下多英賢
余本欽崎丘壑次
意氣獨與賢豪期
上客時時作青眼
後車往往多白眉
吳士揚旌故雲擁
立談詫得彭欽之
文章耀皦日落筆
高天風雨疾才華
跌宕性雅馴令我
一見情款密
二華雲烟掌上生

五湖波浪盃前失三十年來擅大家天邊龍駿骨
楂牙帝關嵯峨不可問劍光空冷夫容花五車赤
牘千秋事一領青衫兩鬢沙臨邛之令如可再詞
賦相如至今在天子不喚奏凌雲賢人流落吾將
奈世人那解重王孫青雲不登道不尊願君努力
致天路拔劍高歌好出門

放歌行贈徐孟孺

徐郎意氣空秋昊五雲三秀開丰神羊祜探環故
英物誌公摩頂知麒麟少年才藻不多見大海青

天月一片玲瓏玉洞引丹霞窈窕文
旆揮紫電今春騎馬長安遊五侯七貴爭識面余也曾耕東海
田
揭來吳會尋諸資合意真須片語下知君還在
十年前男兒墮地何所任炯炯空懸白日大道旁
明珠爛不收手卷絲綸閒處坐且挾鷗鳬湖上行
更驅雲霧峰頭臥余本英雄吞大烹偶然任吏似
河陽不肯任眉向人語一官那便失飛揚文字無
多羞藉々年來好士真成癖風流終古慕威明逢
掖何如二千石君今落々在泥沙擊絮吹簫不足

嗟願我正當門外月與君且醉縣中花

送吳縣嘉壯上

嗟爾吳生真欽崎磊落之英資
胸中羅海岳筆底走雲烟
貪居委巷無人憐青天垂釣淮陰下白日
吹簫吳市輒翻然拔劍別妻子
壯志長安赴知己絕海孤帆風雨濕
三月黃河向人立王侯將相可
長揖無為室對牛衣泣君不見相如
犢鼻毒王孫一朝千金買長門子
雲筆札君卿舌知君此去聲名尊
嗟吳生吾不愁君之此去無聲名
酒酣座中

出趙壁月明樓上調秦笙
大夫時來合富貴願君
莫賦少年行少年得意騎駿馬
操弓挾彈章臺下
富貴當如貧賤時肯學悠悠道旁者

康生歌

武皇乘八駿神飈起龍荒
撓槍鬪關人亂天
常嘯咤驅百官為狼與為羊
奸雄一何黠意在收
豪傑折節禮康生門前車馬紛如雪
康生烈士腸
不睹閹人面手懸金印開通侯
那得康生一回瞻
矯矯韓尚書除奸報天子
侃侃李郎中落筆風

兩駛時危大臣逐事敗英雄死左氏哭卽中存亡
兩契闊康生可活君無爲佐枯骨卽中忼慨呼向
天虎口寧可脫丈夫落落劍下死安用低頭草間
活左氏哭且訴生已如朝露天命不可期君心無
乃固卽中書片紙左氏致中懷康生投袂起意氣
掀秋旻但活忠義士何辭一見奸雄人奸雄聞道
康生至自起焚香掃榻塵入門長揖據上坐從容
捫虱談三秦白也醉麾高力士風流蕭灑垂千春
卽中文章今李白殺之恐爲天下嗔逆閹聞之但

掩口呼童催進蒲茱酒
炙笙撾鼓聲喧天捧器停
盃大如斗康生復忼慨
卽中本英雄吾當就公飲
汝赦李卽中不然掉臂去
棄汝如飄風闌人首肯
康生喜脫衣解帶酣歌起
金鐙夜照珊胡紅銀鞍
色暎驊騮紫大醉翻然咲
出門月光皎皎流雲奔
人能殺義士我自哀王孫
卽恭何妨吊張讓太真
寧肯依王敦千秋萬歲後
名與泰山尊願提一壺
酒澆君青樹根黃河湯湯
白日速何由一喚斯人
魂

啻人歌

黃河雖大不流崑崙日月雖明不照覆盆從古有
之今我何言登臺風正悲閱世心多苦竹帛以來
未足數我歌啻人真可憐一吟一涕室潛然夫妻
遠成三千里罪大仍輸百萬錢遠戍猶自可百萬
出何所天寒歲莫一還家中五日無烟火欲將
飢寒哭向妻妻亦饑寒不能啼十三女兒髮覆額
單衣欲裂霜淒淒日落顏垣竹扉冷月高夜吊狐
狸影仰天大哭走出門白楊蕭蕭填枯井我吟商

人歌淚下如江河行路還停紫駟馬滿堂盡廢金
巨羅

吁嗟行為開之賦

吁嗟馮先生汝為我飲我為汝謳仰天獨嘯銷百
憂星辰壯走河漢西流照日北風叫枯葉今朝芳
豔鳴鳴鳩世事如此今我何求我欲努力取富貴
富貴難自適我欲局促修室名室名竟何益丈夫
低眉復苦心笑殺金華紫烟客夜來聞君浩蕩言
使我酒量大如斗堯舜桀紂怒枯骨不如月下一

盃酒紅燭未殘歌聲漸低玉壺醉擊寶劍夜提酒
中累月堪沉迷空林不問城烏啼吁嗟馮先生眼
前落落君與我百年一日且瀟灑良夜無驩娛驩
娛無良夜明月既在天迴芳復臺木好風吹花花
欲言與君爛醉筵簌下酒罷登艫思黯然絳苑遙
指西湖邊君雖有官不妨晏眠我為小吏多糾纏
今朝送君出門去明朝由事還相煎相煎何為快
意當前中酒迷花虛白日萬山千水隔蒼烟

存石草堂歌為沈觀瞻先生賦

青天一片石萬古割鴻蒙西山雲氣寫碧落絕壑
秋聲挂玉虹君家園亭亦灑灑大石壘占色赭
陰洞截取龍額來波濤日疲走其下明霞亂射雨
不昏危峰刺天白日奔石乎石乎疲溪語草堂之
上光欲翻先生好奇惟攜李田取鱗吻與孫子米
家么麼不足論歌罷峰頭片雲起

西湖曲為三先生賦

三先生者沈山人嘉則沈太史君典馮吉士開
之也三先生相與浮西湖高言長嘯響振崖谷

名章麗藻照暎雲霞為茲湖標千古勝事余聞
而豔之恨不能從也乃賦西湖曲以見意庶幾
當宗生以遊矣

西湖靈氣開東南排天沃日青黛含秀絕往往聞
天下神仙幽閔誰能探烟霞不着高人履日月空
孤大士龕子長踪跡多奇遊磊落吾鄉老隱侯更
得馮君為地主相逢大咲驚千秋日莫樓船浮紫
氣玄珠醉踏洪波沝銷簫鼓空中下漠漠烟虹
席上收一轂霹靂起天末魚龍遠避神靈愁須臾

雨歇雷電止月照西冷天似水群公雜坐興轉酣
畫舫夜飛青鏡裏旣逢妖女獻珊瑚復見靈妃薦
蘭芷閒情目送山鳥還遠思長驅海濤駛明朝相
與為微行青鞋綠杖春沙明祗將氣色關星象不
與時人說姓名罡風吹裳涼灑上直上峰頭眺銀
海氣深一片青天孤眼空數點蒼山在平吞六幕
相蕩搖兀立群公意忼慨名賢一日經此丘山川
脈事留千載好為西湖大解嘲天教曠士停蘭橈
永嘆泥塗那得脫君入雲林不見招為君一奏西

湖曲自倚南樓吹玉簫

由拳集卷之八目錄

五言律詩

中秋二首

富陽舟中

蘭溪酒家

登會稽山

聞張太擁豔姬乘丹江上

桃江道中二首

登沈嘉則先生明月榭

嘉則先生同葉元村田村過草堂

春日遊陳將軍園

夏日雨後登張氏山樓

哭紹仁族孫五首

春日集司馬公園得年字

正月六日雨集司馬公流波館得青字二首

元夕集司馬公宅

春日同嘉則先生汪長

文葉元秬集柴仲初樓中得還字

陪張大司馬遊茂嶼二首

秋日懷友人

冬夜與諸君酌萬壽山房

冬日柴仲初葉元秬見過

太末歸哭紀秀才二首 冬日江却晚睡

登步虛亭四首

金嶽寺二首

初夏莊居有懷

古廟

夏日看山六首

夏夜獨坐有懷二首

登招寶觀海三首

秋夜對月有懷余生

送沈嘉則先生之上海吊朱邦憲

山中書懷十四首

愁

夏日懷友人

懷楊伯翼

懷柴仲初

瑤瑟怨

山行

汪長文寄寓文公禪房

社中詩君過分得通人二字二首

再集司馬公新山

桐廬曉發四首

不寐

幽棲

得柴仲初書

冬夜宿嘉則先生青棠館

同胡明府登佛塔亭二首

剡上

江村晚步同戴仕德

雪中集余君房翠碣樓 送李太學北上

送趙給事諱尉高安二首

余君房携酒楊太學園中酌程生

夏日同程孟孺及社中諸君集張司馬公園

答戴仲德訊余蕭寺之作

李山人招遊蕭皋不赴

葉鄭朗携酒湖上餞嘉

則先生

湖上疲歸

送余君房北上潯洲字

楊伯翼見過

毗陵道中

楊州除夕

邵伯湖阻凍

楊州春日

宿州道中

彭城懷古

旅夜懷余沈二子

詞姓

舞女

鬪鷄

走馬

彭城覽眺

范增墓

嘉則先生以赤霄行見

寄曰知其畝滯通州有作

行路難

北地二首

涿州懷古

樓桑村

渡潯沱河

良鄉道中

送余君房下第東還

碧雲寺

送張京兆歸省

送李西安

任丘道中

河間大水

登第後過山東逆旅戲作二首

漂母祠

東阿道中

江上見彗星有感

書懷

鄧博士

方博士

林博士

聞管建初同孫以德登

太和却贈二首

郊行

行縣飯田間暫憇徐太常莊居四首

送桂博士還四明

贈吳叔嘉

壽家長君六十

嘉則先生馮開之小坐

池上夜坐

董陽明以詩見投却寄

百舌詩

由拳集卷之八

東海屠隆長卿 著

五言律詩

中秋二首

桂華天上滿河漢氣蕭森萬里中秋月空闌此夜
心風高香霧冷露下玉簫沉處處金尊裏誰家起
暮砧

明月關山白天青大海流何人不看月若個搃會
愁河影初低戶桐陰自下樓滿城歌吹散絃扇獨

知秋

富陽舟中

挂帆秋浦遠雲樹結巖阿水下梧廬關山從遠德
多同舟逢楚客隔岸聽吳歌漸與錢唐近空城浸
大波

蘭谿酒家

蘭溪多美酒況復有嘉魚入肆依喬柳移舟近綠
蒲佳人時挾瑟皓腕獨當壚取醉須明發江城啼
瘦鳥

登會稽山

海風吹客鬢萬里一冥鴻
禹甸長江外高陵落日
中河山開氣色吳越幾
英雄獨立踟躕久長歌倒
碧空

聞張大擁豔姬乘舟江上

日暮張公子輕舟載管絃
何如逢漢水疑是渡秦
川秋浦理歸杆橫塘歌采蓮
夜舒真可託明月為
君圓

枕江道中二首

江村乘曉發秋氣滿衣裳落葉疎林靜行人古路
長水寒空雁驚天白莽烟霜此地歸心急何言客
異鄉

黃葉深秋路天寒薜荔裳潮聲通海大雲氣出天
長猿嘯誰家墓鳥啼昨夜霜孤城望不見冉冉過
江鄉

登沈嘉則先生明月榭

高臺極蕭爽况與故人同野曠偏空月林疎不受
風砧聲到夜盡霜氣入江空一宵成萬古直欲問

鳴家

嘉則先生同葉元村田村過草堂

蓬蒿樓仲蔚有客過寒江海月高華頂天風度石
牕門前流水大沙上野鳬雙君有滄洲意於茲買
釣艘

春日遊陳將軍園

名園華屋在綉棟媚人衣風煖桐花落春長燕子
飛幽篁窺水綠細草隔簾微勝地無過此林塘日
莫歸

夏日雨後登張氏山樓

登樓聊騁望浩蕩一開尊
山盡天平野河長水抱村
蟬聲高樹暮雲氣夕陽昏
雨後郊原好薜蘿綠到門

哭紹仁族孫五首

共說燕京好黃金高滿臺
風塵匹馬去烟雨素車
回流水長淮盡蒼猿古道哀
江南丘壠在冤氣早
歸來

天地莽深深無從苑後尋
飄風河水急落日刺門

陰大道歸元化玄言寄陸沉傷心不可讀臨絕有
遺音

聞訃驚初定夫涯倘未真如何遠行客終作不歸
人白日室寥廓青山吊隱淪王侯誰不死百歲挽
蒼榛

三十嗟無祿云胡不首丘金河沉寶玦玉匣捲吳
鉤八戶憐青髻登堂歎白頭君家兄弟好身後不
須憂

五月苑東昌遊蒐走大蒼錦帆渡楊子明月下錢

唐新鬼依秋草，高墳落夜霜。
蘋花有人薦，猶不廢蒸嘗。

春日集司馬公園得年字

時嘉則歸自上海

湖上青山好，登樓憶去年。
群峰當落日，獨鳥下春烟。
草色辭寒綠，梅花入酒妍。
人歸又明發，且醉玉壺邊。

正月六日雨集司馬公流波館得青字二首

開筵當淋氣，春色下空遲。
萬點烟中暝，千山鳥外青。
高臺臨汗漫，好雨洗沈冥。
相對憐同調，斜陽酒

未醒

好懷歡不極，入夜雨冥冥。
鳥語知時候，山光慙性靈。
雪沉毒，瓣白天放柳條青。
上相能投轄，何人事獸醒。

元夕集司馬公宅

同是春宵醉，今宵樂未央。
花明天不夜，塵煖月生香。
人語朱樓細，簫聲碧海長。
絳河但欲沒，猶進九霞觴。

春日同嘉則先生汪長文葉元升集紫仲初

樓中得還字

遠水帶長烟晚山明綠鬟良時不再得幽事總相
關草入春空盡苔深石徑斑高樓坐來久斜日鳥
飛還

陪張大司馬遊茂嶼二首

春到名園好高花窈窕開草逢樵徑斷風雜嶺猿
哀遠水空亭入孤烟落日迴山靈似相識長嘯白
雲來

登高望寥廓曉日蕩虛無宛轉盤踈對蒼茫浸大

湖平無照水淥細路入雲孤獨立嘯臺上惟聞山
鳥呼

秋日懷友人

寒砧萬戶滿黃葉下空城叢菊堪無淚江流不住
聲病惟詩得意貧覺酒多情同是傷搖落秋天日
莫行

冬夜與諸君酌萬壽山房

黃葉盡高梧清坐醉玉壺長烟山寺白微雨佛燈
孤漏斷聲初暝尊空客自呼古來存曠達天地入

虛無

冬日柴仲初葉元叔見過

荒林生氣色忽淪辱高軒遠討平連海寒潮直到
門西風吹髣髴落日照琴尊薄暮看歸渡城鴉暝
睨昏

太末歸哭紀秀才二首

把臂送我去歸來說爾亡我行有時返爾去路今
長秋日澹黃土西風吹白楊倚天盡一哭何處叫
巫陽

處世不得志胡為四十殂蓋棺無一語高枕即長
塗天地空為客文章誤作儒浮生信如此沉醉酒
家胡紀平生絕不飲酒

冬日江邨晚眺

孤邨亦自好坐眺極蒼上朝湧江沙白雲連海對
長青天度歸鳥落日見浮梁搔首枯桐下無人間
草堂

登步虛亭四首

絕驛孤亭迥登高萬里心鳥聲在平地人語落空

林草暝春波綠松盤海色陰青天開浩蕩長嘯一
披襟

高倚層巒上群峰到地平鳥沉江壑影風斷海潮
聲何處尋瑤室如聞吹玉笙欲從松頂立佇看白
雲生

二月猶蕭颯風高白日微青山當戶落黃鵠傍人
飛空翠時流澌曉嵐欲濕衣吾將臥蘿月今夜未
須歸

空亭開四面夜受白雲多迢遞聞鐘磬盤迴入薜

蘿直疑窺帝座不敢捫星河呼出青天月剛風吹
浩歌

金嶽寺二首

臺殿蒼茫外高位萬壑屯鳥將雲氣合風帶水聲
喧細踞盤霄漢青山落寺門空堂夜聞虎蕭颯
林昏

寶地聯滄海禪房隱法輪山深長作雨地遠不逢
人日月空三界烟霞是四隣曉來望峰頂爭出碧
嶙峋

初夏莊居有懷

青陽猶昨日灌木已繁陰
天入江烟斷愁來海水
深佳人歌采綠行客拊鳴
桡不看靡蕪草斜陽在
暮林

古廟

閒行入古廟獨鼓偃當門
芳草能平砌踈藤直過
垣梁室彫彫盡字減石
碑存戶外居民少蘋花誰
酒尊

夏日看山六首

一望收千里高原何處窮長雲不隱日列嶂盡排
空鳥度蒼烟外人行綠壑中疎林竟日坐不覺送
歸鴻

好山日當午眉黛插天青平野雲垂幕空堂戶不
扃幽花媚長谷疎甃入高冥離索無人問泉聲只
自聽

不禁天風落長林暑氣消直須捫華頂許可借松
寥山處天疑盡人來路不遙蒼茫空四望雲海出
高標

卷之七
書長無一事五月坐空林風起潮聲斷日高山氣
沉石泉薄微暑雲對作輕陰散髮蓬門下支頤看
碧岑

斜日千峰外何山不可憐無從捫白石渾只似青
天照海霞標出盤空鳥道懸高言寄寥廓吾欲挾
飛仙

天邊茅屋孤檣野盡平蕪日色高應盡山光淡款
無疎香遞幽草涼葉暗高梧風起青蘋未瞿然失
故吾

夏夜獨坐有懷二首

明月下高原傷心幾處看
露涼蛩語早風急剗聲寒
曠野行人歇空遠子夜闌
長河雲不動碧海路漫漫

清露下平蕪涼雲覆井梧
鳥歸林樾暮天闊水雲孤
月色開金鏡河流浸白榆
坐來池上久秋意在菰蒲

登招寶觀海三首

一望連空綠高天上有無
濤來萬山動潮落百川

枯蜃合樓臺向鰲華島峙孤悲哉尼父志去去欲
乘桴

曙色動東方蒼茫水氣涼白波卷孤嶼紅日躍扶
桑興至譟長嘯歌聲入大荒咸池好晞髮吾意在
滄浪

崢嶸似無地何處着神州雲起連天黑波來挾漢
流孤撐動鼇足震蕩徙龍湫萬片杭檣密坳堂浮
芥舟

秋夜對月有懷余生

爽氣肅靈籟西風下
遮蘭秋河高不墮
甯露白生寒絡締
啼堦草梧桐覆井
闌照人今夜月可惜
不同看

送嘉則先生之上海吊朱邦憲

交遊元不薄歲莫走天涯
黃葉路應滿白楊風正
吹腸因遺草斷心許夜
臺知海暗吳雲濕怜君
哭墓時

山中書懷十四首

涉世誰非客我歌行路難
長雲看滅沒大道自嶮

阮剡密天多暝山空夜覺寒夢回江上月歸去把
漁竿

逆旅無人問孤雲自往還仰天歌白石倚劍看青
山末路人多病愁心未得閑鏡中勛業在憔悴老
朱顏

記得來時節青春尚未深好花看落砌密葉已遮
林流水年華去孤燈永夜沉暝猿聲不斷日日動
鄉心

日落聞山鬼城荒半野蒿樵人徑古塚水鳥下空

壕雲氣橫林斷灘聲入夜高倚樓當寐減拂匣看
霜刀

夫外孤城出青山擁縣門猿颺行壺動鳬鷺落沙
昏西客關河斷東流日夜奔飄零有人念江草易
消魂

何以銷長日高松拂石涼巖雲空墮影澗草暗生
香獨坐看歸鳥吟詩到夕陽舌深盤窈窕孤興入
微茫

十年長作客丘壑此曾經草是當時綠山如故國

青輶坤雙短髻江漢一流萍獨上高城望黃烟孤
日冥

剛風吹斷雨疎甍長藤蘿遠客依姑蔑歸心下淞
河獸看山氣好其奈日長何葉亂空林響時聞虎
夜過

貧賤驅人出浮生在馬蹄每脩千里信頻作數行
啼草色連平野河聲夾大隄青春辭我去甍長過
樓西

五載此山屋山靈亦笑予輿坤真莽蕩嵒壑故盤

紆身為無官賤交因處困疎憂來人不寐明月夜
憶虛

避人歌綠水採秀向溪湄山合雲全隱天位日倒
垂細莎蒙古道野葛上荒碑入暮中洲返溪風拂
面吹

山雨自連朝郊垌悶寂寥鄉心橫草蘄歸夢度溪
橋東越浮滄海西陵落暮潮水蘋人莫立有客上
吳舫

新水亂鳴蛙荒原日易斜村童闢野草溪女挿山

花厭聽方言久懸知客路賒明朝歸海上正好泛
秋槎

東國多才傑山川憶舊遊日華動鰲背海色照龍
湫諸子皆青鬢群公有白頭殊方仰高會僊樂在
瀛洲

愁

遠道看何極愁心難可論雲來將盡合日落又沙
昏古堞鴉啼柳空山虎打門欲歸歸未得鄉思正
騰騫

夏日懷友人

松風消大暑長日坐高林路斷千峰合天垂萬木
陰偶然成客夢一半是鄉心得句無人賞年來欲
費吟

懷楊伯翼

文章霸東海五嶽盤心胸拏舟踏高浪行歌觸白
龍思君大江闊獨臥秋山重簾廊雲氣散清宵月
在松

懷柴仲初

別君春草綠夏木又叢生不見故人面如聞江水
聲天長連百越道遠入孤城應念空谷間居賦
已成

瑤瑟怨

心共哀絃語臨風恨未休落花到地盡飛絮向天
浮恩逐金刀斷情隨玉筯收夕陽豈東下大海不
西流

山行

沿溪踏沙去沙暖春融融徑草迎人綠品花咲日

紅礪香隨路滿鳥語應山室鄉國有來異風光到
處同

汪長文寄寓文公禪房社中諸君過存今得
通人二字二首

蓮社初開處相依得遠公水光浮寺轉雲氣墮城
空臺殿千峰入松蘿一徑通幽棲真不俗長嘯紫
烟中

徙倚石牀冷室坐不受塵烟收夕霽海月照青
春高鳥初歸對疎杳忽傍人乾坤知已在相過莫

嫌頻

再集司馬公新山

青山留客處落日上亭臺
疊嶂當空出高花傍雨
開魚知春水至鳥破暝烟來
勝事誰當紀梁園數
舉盃

桐廬曉發四首

一舟凌曉發錦纜向天開
霧摧林出危峰壓水
來石潭經浩淼山路入盤
回首蒼蒼處雲深失
釣臺

曉入蒼茫道春猿夾岸啼好山青不盡芳豳綠初
齊石險川聲大帆高潭影低王孫歸路渺又見草
凄凄

遠上巖光瀨輕舟犯逆濤青松來疊翠白石露孤
高過客東西去馳波日疲勞囊空還自笑何以醉
葡萄

太末疑天上千峰何處尋日光穿樹薄山氣宿雲
深水湯樵人徑草傷避子心誰家村裏住烟火出
空林

不寐

欲作還鄉夢愁來只異鄉
亂雲依古屋殘月照空
林人為傷春老更因不寐長
猿聲何處起相共野
城荒

幽樓

獨愛無人處幽樓不用名
竹鷄啼午寂松鼠落枝
輕芳草初平路春溪欲上城
蕭然吾亦得擾擾自
勞生

得柴仲初書

念永平生友風流柴仲初河聲流去急鄉里到來
疏已是三秋客纔傳二月書新詩忽滿眼東馳
知躡

冬夜宿沈嘉則先生青棠館

高館耽玄寂烟深野氣蒼微霜清對酒疎竹伴焚
香路惜明朝別天憐此夜長捲簾看月上落葉到
孤牀

同胡明府登佛塔亭二首

風急高天迥孤亭落日間松聲疑卷壑雲氣欲沉

山古佛踈藤合層城歎鶴還憑茲問寒廊吾意薄
塵寰

飛鳥浮屠外長烟入莫林空香生遠興空籟散微
吟地迥砧聲斷天寒日色陰使君同浩眺萬戶搃
關心

剡上

剡路入江干蕭條黯自看波光搖落日山氣任深
寒宿奔依鷗渚驚潮上馬鞍駘馳當歲晏吾道屬
艱難

江村晚步同戴仲德

薄暮江光暝寒流入大荒漁人歸浦盡雁影逗沙
黃平野何蕭颯遙天極莽蒼多君問空苦一笑興
俱長

雪中集余君房翠碣樓

晚渡何為者江城大雪時朔雲沉夜柝寒鳥沒空
厓海澨深無色河流莽自馳感時懷忼慨日與醉
為期

送李大學北上

別意搖蕤蕤傳盃覽太崇路當春草合山入莫雲
長倚棹江波綠垂鞭宮柳黃燕臺今在否好為拜
昭王

送趙給事謫尉高安二首

楚壑入平崇江流欲斷腸雪仍飛大陸草已綠潯
陽總謂恩波闊寧知客路長露葵真可折官舍不
崇涼

牢落向高安徽霜犯馬鞍庄廬山色莫彭蠡雁聲
寒好自裁官柳無為咏澤蘭青陽多雨露白日且

盤桓

余君房携酒楊太學園中酌程生

初月俯前楹微陰傍古城
寂憐芳草莫莫問曲池
平短竹饒風色高梧盡雨聲
良宵宜楚客一醉見
深情

夏日同程孟孺及社中諸君集張司馬園

湖波平傑閣落日倚巔岼
夏木一何秀春風殊未
殘當歌誰是客得酒且為歡
司馬園中對君能幾
度看

谷戴仲德訊余蕭寺之作

獸爾遙相問青山過者稀
自憐吾道拙轉與世人違
入郭江聲細聞鐘暝色微
閒房聊足寄坐領白雲歸

李山人招遊蕭皋不赴

愁坐極蒼茫高林自夕陽
山雲青不滿江路水空長
草傍人衣綠花連佛座香
客來還共詫心賞故難忘

葉鄭朗携酒湖上餞沈嘉則先生

芳釭足婆娑高雲照薜蘿
草昏湖水闊江盡海天
多酒為青山好人如白髮
何夜深燒燭暖花影散
驪歌

湖上夜歸

歸途何寂寞露氣入船多
微月生東海孤光落夜
波對猶昏雁鶩城始出
藤蘿搔首青天下涼風吹
櫂歌

送余君房北上潯洲字

黯黯大河流關山北上適
眷馬懷紆極去矣戀滄

洲雪照漁陽白雲生碣石秋上書多忼慨胡馬正
幽州

楊伯翼見過

山川一把臂高風吹泠泠目與孤雲往心將六合
冥潮來海浦白木落吳天青問君何所得獨有太
玄經

毘陵道中

勞勞行歲暮日疲望皇州北向烟初暝南來客正
愁不知寒日落猶見濁河流來往鄉人少家書空

復脩

揚州除夕

歲晏揚州路孤城客裏身天涯不相借
世事竟誰陳風雪難為夜年華暗入春
酒家聊取醉相見說秦人

卹伯湖阻凍

辛苦淮揚道天寒思不禁層冰白皓
綠凍酎奔騰森鳥散空堤雪雲屯大澤
陰偶因名利出日動故鄉心

揚州春日

蕭蕭孤騎發春色報揚州幽谷草仍凍寒塘水漸
流管絃乍落日城郭艷朱樓覽物情何限聊將浣
客愁

宿州道中

遠道多辛苦風霜老客顏病猶能跨馬愁不廢看
山飛鳥長烟外行人落照間天低原野闊何處望
鄉關

慈城懷古

前朝百戰地萬里起悲風大業彭城在高靈芒碭
空河聲流楚漢山色老英雄落日荒涼外登高送
夕鴻

旅夜懷余沈二子

悲歡今夕事同是客天涯擊筑遊燕市狂歌向酒
家伊人真不減而永獨堪嗟何以銷長夜孤村風
雪斜

歌伎

席上總殷勤官舍且雜陳響流明月影伶仃落花

塵鳳語秦樓曉鶯啼漠苑春不須歌艷曲已是可
憐人

舞女

長袖起翻腰肢怯少年髻偏疑墮馬步緩欲生
蓮垂手香初細回波曲轉妍嬋娟憐舞影來照盡
堂前

鬪鷄

東郊春日曉擾擾鬪鷄人百戰圍仍合千場賭未
貧長鳴動紫陌奮距蹙紅塵遮莫論金芥雌雄未

足陳

走馬

走馬長安道，翩翩俠少年。
青春嬌玉勒，落日照金鞭。
漠漠行垂柳，深深出紫烟。
長驅萬餘里，一劍定三邊。

彭城覽眺

徐方浩以廣迢遞，此州來出日孤峯秀。
平天萬里開馬蹄，衝水去鳥跡印沙回。
舊俗猶歌楚風存，大國哀。

范增墓

君王好百戰長策不須云
王垓謀終左鴻溝業未
分氣能干白日劍欲抉
浮雲陳蹟千年下淒涼過
古墳

嘉則先生以赤霄行見寄因知其留滯通州
有作

相約維揚路今知向海陵
詩來真浩蕩老去轉淒
涼牧伯能相假狼山日幾
登天涯正愁絕江雨照
疎燈

行路難

貧窮無不可何事向天涯
雲指功名薄天連道路
賒宵征虞盜賊日出畏風沙
行路難如此令人轉憶家

壯地二首

壯地非吾土蕭條不見人
日光沉馬足風色隱車
輪塵起孤城暮霜迴獨
壺春長安天不遠只尺欲
沾巾

不識漁陽路悲心莫問程
大都行曠野偶見燕

城原對衝人立米沙照日明但逢茅店宿明發又
孤征

涿州懷古

大風吹涿鹿軒後肅殊方馬踏新丘壠沙空古戰
場烏號此淪沒白日竟荒唐何必乘龍去終知帝
德長

樓桑村

先主龍興地軒轅舊帝鄉皇圖收七節天意失荆
襄歲月叢祠古山河漢寢甚長歌懷慨寒日下

枯桑

渡漳沱河

萬里渡漳沱，邊城落日多。
沙長浮曲岸，雪盡見流波。
目送歸人急，心懸征馬過。
淒涼明燕趙，余亦好悲謠。

良鄉道中

車馬去班班，多行莽蕩間。
地寒邊塞日，天闊朔方山。
野戍冬春合，凋弓日夜殘。
彎愁心寄楊柳，衰颯未堪攀。

送余君房下第東還

落日千行泪都門酒一卮
知君無不可恍慨自吾
私海月生卿夢風沙謝髣
髴世情無復論天意亦
何為

碧雲寺

西山陵寢地紫駁接春林
啼鳥清人語流泉遶樹
陰雲開天路肅花落洞門
溪偶得尋幽事因知物
外心

送張京兆歸省

暫得娛萊綵將因理釣船浮萍知由路華髮感流年
酒綠都門駐帆青渾國天送君雙涕泪鄉思日
空懸

送李西安

姑蔑長江外天室萬木森土風高越紀水氣抱城
陰山路青猿暝人烟綠柏深使君蕭洒甚海月照
鳴渠

任丘道中

信宿來時路銷寇是去年人家耕廢壠馬足踏平

田黃葉明秋日寒花媚晚天故鄉宛相似凝睇此
山川

河間大水

浩淼真無極遭回馭路賒原田為澤國村落半漁
家秋便來沙鳥寒猶著岬花天明三十里野寺及
昏鴉

登第後過山東逆旅戲作二首

薄莫長途上相逢逆旅賢茅茨借風雨簷席共寒
天剪韭惟供客烹雉不計錢他人得意日羸馬笑

翩翩

顧領看齊女，縞衣貧且賢。侶當淳朴處，人薄豔陽天。
何物為脂粉，當壚識酒錢。使君五馬貴，不顧影翩翩。

漂母祠

一飯寧為德，千金不是恩。懷哉終古意，誰與世人論。
灌木啼山鳥，寒流遶墓門。至今淮水上，日日過王孫。

東阿道中

出郭易蕭蕭空山共次寒秋陰生赤壁寒色起黃
茅壞道盤松樹枯流偃石橋駘馳真吏事不改說
麾銷

江上見彗星有感

怪爾出何為天王有道時將因告百辟無乃應三
壘野艇寒潮落嚴霜默對堪憂來不可擬一疲鬢
堪絲

書懷

男兒生有命貪賤未須愁碧宇恢恢大滄江浩浩

流鳴琴彈海月空
壁挂吳鉤高步平原外
王侯不足遊

三博士詩

鄧博士

薄宦臨清潁
疎園傍紫苔
春蔬池上綠
夏槿竹邊開
問字侯芭去
談詩匡鼎來
疲呼僊令坐
明月照金罍

方博士

駟馬登脩坂
磷磷水石清
官仍寒博士
俸許及諸

生雨暗松蘿色
天空絃誦聲
對君沽濁酒
深見古人情

林博士

博士苦風煙
堪租賴上田
為園親種韭
臨水或窺蓮
居可無官舍
民猶逋俸錢
自怜吾道大
江海一青氈

聞管建初同孫以德登太和却贈二首

綠玉倚雙筇
青天倒五龍
洞陰吹古雪
山翠滴疎鐘
醉拾峯頭月
同餐石上松
洪崖如有約
他日倘

相從

遊覽意何窮飄飄直御風雙樓珠對鶴一到玉虛
宮梁宋歸啼鵲山河入轉蓬蕪門可舒嘯遠莫泛
遼東

郊行

高原曠不分平野綠波紋水積蕪葭浦天空鷗鷺
羣千峰攢落日萬木閣踈雲薄暮蟬聲急風高斷
續聞

行縣飯田間暫憩徐太常莊居四首

午飯翠微中春泉茗佐供品花爭媚客石竹細含
風鷺下青沙暖鶯啼白日空獨憐農事少環堵沒
枯蓬

春日踏空原傷心不可宣野棠生蔓草溝水湯蕓
田父老無耕犢王孫有釣船笋魚吾自飽竹裡斷
炊烟

郊行極宛轉下馬類閑遊芳釐雲初暖垂楊風漸
柔東臯飛野雉南陌語春鳩村釀猶堪醉終慙藿
食謀

蕭然蒼莽外臺對與山平行役吾知倦登臨眼故
明連峰到海氣衆壑自春聲總有憂時泪無坊達
者情

送桂博士還四明

憶昔長安市娉娉嘉對前故人共今夕一別是三
年短櫂發青浦長波破綠烟還山逢酒伴好拂石
牀眠

贈吳牀嘉

白露下中庭微涼酒易醒牀頭葉是水天上客為

星鳳嘯真寥廓鴻飛入窈冥對君清不極開篋寫
泠泠

壽家長君六十

霜前聽鳴鴈月下坐吹笙水閣飛花細天寒沙渚
清生涯問漁釣歲月在蒼桺六十貧猶昔無慙庶
吏兄

嘉則先生馮開之小生

流水似官衙空遲坐日斜縣宦臨大澤客本泛孤
查鳥語墮若壺玉絲縷落花不須悲去住得酒是

年華

池上夜坐

斜月到林初波光動夜舒深宵生寐應細語坐聽
𦣻宿鳥花間暝寒星竹外踈冷然散天籟爽氣濯
衣裾

董陽明以詩見投却寄

天地真宰廓斯人在藤蘿授竿滄海曲采秀碧山
阿名有文章在貧如世路何思君五湖上春水綠
於羅

百舌詩

問爾何為者花間底自喧物情那可詰看事與誰
論不受金人戒空疑稷下蒐請看桃李鉗開落總
無言

五言排律

登吳山遠眺

贈李將軍十六韻

奉贈少宗伯王公二十韻

吳門懷古二十二韻

開之居西湖甚適性真贍適十五韻

五言排律

登吳山遠眺

騁望吳山頂，踟躕爽氣橫。
東南稱大國，吳越見高城。
水接江門闊，雲連海岱平。
西陵空草色，天目挂松聲。
落日朱樓迥，長堤垂柳榮。
湖光開寶鏡，人語雜鳴箏。
古戍烟仍合，寒塘潮自生。
蕩舟貼寒廊，策足上崢嶸。
莽莽乾坤外，聊抒萬里情。

贈李將軍十六韻

元戎清大漢，遠下薊門秋。
玉節臨東徼，牙旗建海

陳千金裝越甲萬騎擁吳鉤。蜃氣長帆合潮聲古
堞浮雄關當虎豹。猛士肅貔貅領隊趨三島。吹笳
渡十洲。將星依北斗。邊月落旄頭。天闊風烟斷霜
高瘴厲收。三軍今罷戢。天子近銷憂。折箭為壺矢
開尊運酒籌。晝巡經戍壘。疲飲上歌樓。白練齊懸
距紅妝競打球。美人來趙地。新曲度涼州。草暎金
貂綠花明錦帳。綢春風輕寶扇。明日煖簞篋。上客
朱門入平原。駿馬遊功成。當富貴。肘印取封侯。

奉贈少宗伯王公二十韵

上相欽瓊偉千年嶽降祥雄姿推鵬俊奕氣颯龍
驤東序陳蒼玉西樞揖紫皇山河搖華札雷雨來
縹緗斗氣誰堪擷星精或可當校書臨太乙起草
立明光揚馬陪鴈造夔龍接雁行秋河宵視直春
殿晝含香道出空同上思超塊北旁千言抒鳳彩
五色駕虹梁大業歸維藻僊都談秘藏玄心窺象
罔赤手劈洪荒朗秀空巖電溫夷照截肪神情還
寐厯名字放飛揚競睹銅池草爭誚天馬筆松蘿
終結伴禁籞暫尚羊望氣關門禁食霞沆瀣黃身

依雙闕近夢落五湖長他日蓬萊頂看君白日翔
吳門懷古二十二韵

雄秀結名區山川走大都長烟春嶂合落月疲潮
枯遠壑深如沐空沙暎若無谷風吹穿窬山路折
崎嶇水抱林扉散雲奔石壁孤前王犁墓道霸氣
先江蕪莽蒼誰堪問精靈不可呼縱衡論往事宋
莫想雄圖龍子腥滄海魚腸墜鉅湖樓船浮澤國
臺榭枕山隅神女朝看鏡妖蛟疲捧鑪城烏驚振
柝水怪避揚桴宮裡顰眉細尊前烈士竊弓聞光

黯淡刀冷血模糊一旦正樊掩千年野草蘇廢園
風槭槭荒徑路塗塗白日銷金帟蒼苔綉玉鳬英
雄悲逝水歌舞委長衢吊古心悽惻登高氣鬱紆
凭闌聊酌醴吟嘯獨躊躇

閑之居西湖甚適悵鳥瞻溯十五韻

故人湖上住湖水淨娟娟西去山雲盡東來海日
懸珠寒龍戲浦石裂虎跑泉秀絕空王閣清舍大
士蓮遊僧踈竹裡啼鳥寺門前波浪遙吞海雁蕪
上接天疎星沉疲壑芳釭沐春煙漢女明璫濕江

妃羅襪鮮妃央豎水國絲管沸樓船塵外真玄朗
丘中足晏眠波聲斜隱隱霞氣濯僊僊鷗夢侵歌
扇花容傍舞筵飛揚跳急雨寂滅入枯禪賞愜心
無累神超物自捐何當謝羈鞅相共訂真詮